

SANTEZ BARBA BENNIGUET,
INTERCEDIT EVIDOMP, NI HO PED.

HISTOR EUS A VUEZ

SANTEZ BARBA,

*Pehini zo mada veza reclamet dioc'h
ar gurun ha dioc'h ar maro subit.*

Var an ton ordinal.



ME ho suppli, compagnenez,
Da selaou cana ar Vuez
Da zantez Barba biniguet,
A zo a nevez composit.



Er bloa daou c'hant hac anter-cant,
Dindau Maximin an tyrant,

— 2 —

Demeus a noblanç bras meurbet ,
E Nicomedi voe ganet.



He zud a voa idolatret
A gorf , a galon , a speret ;
He zad d'ar gristenien garo ,
A rê o laqat d'ar maro.



Mes ar verc'hez Santez Barba
Nemet Jesus ne gar netra ;
Christenez voa evit certen ,
Ha souten vras d'ar gristenien.



Oc'h e beza caer meurbet ,
Gant eur prinç bras voe goulennet ,
Hac e voa gantâ deziret
Evit e c'haouet da bried.



He zad a gommandas dezi
Accepti soudan ar parti ;
Mes hi a respontas neuze
Ne raje biqen an dra-ze.



O sònjai galloud he dompti ,
 Gourc'hemen a eure dezi
 Antren en eun tour er prison ,
 O clasq he renji d'e rason.



Eno e c'avas Doue e zad
 A ranversas gant eun tol troad :
 Da Jesus-Christ en em roas
 Corf hac ene a galon vad.



Ar c'homsou-màn a levaras :
 Jesus a zo maro er groas ,
 Voui a ràn d'ho Majeste
 A galon va virginite.



Neuze soudan , dre viraci bras ,
 Sin ar Groas qen don a c'hravas
 Gant e bis en eur men calet ,
 E effaci ne allet qet.



Goude-ze e commandas prest

Ma vize' great tri brennest
Evit enori an Drindet
A gare a galon barfet.



He zad an dra-ze pa velas ,
Ouz ar Zantez a c'houlennas :
Petra sinifi qementse
Zo grêt dre hoc'h autorite ?



Evit enori an Drindet
O ober am eus commandet :
An Tad , ar Mab , ar Speret-Glan
A zo tri ferson en unan.



Tri brennest zo var ar prison ;
Un Doue zo en tri ferson ;
Mes va entent na ellit qet ,
En defot beza badezet.



Va zad , pa em eus commancet ,
E livirin dêc'h eur secret :
Credi a ràn en Jesus-Christ ;
Ila droug a ràn , ma zoc'h-bu trist ?



Souezet omp ouz ho q̄elet
 Entrezoc'h , c'houi , idolatret ,
 Ouz ho q̄elet oc'h adori
 Doueou grêt gant mein ha pri.



Me ne rân qet a estim bras
 A Jupiter nac a Ballas ;
 Satan en deus o invantet
 Evit coll ar bobl eus ar bed.



Eur re zo Egyptianet ,
 Hac a ador ar serpentet ,
 Ispicial ar c'hrocodil ,
 A zo var dro rivier an Nil.



Darn all a ador un eujen ,
 Eur seurt all a bed un azen ,
 Hac an dud a Alexandri
 A ador ar c'haz hac ar c'hi.



Etrezomp-ni oll , Christenien .

000

— 6 —

A ador un Doue mui qen ,
 Pehini a zo an Autrou
 Eus an douar hac an êvou.



Ho pet , balamour da Zoue ,
 Ho pet truez ouz hoc'h ene ;
 Lest al lezen-ze milliguet ,
 Petramant e viot daonet.



He zad neuze pa e c'hlêvas ,
 Dre goler vras e respontas :
 Effrontet out , en assuranç ,
 Comz er fêçon-ze em presanç.



Ia , ret eo , assuramant ,
 E pez-te collet da sqiant ,
 Adori un den zo crouguet
 Evit crimou hep mar ebet.



Va zad , laçet voa d'ar maro
 Gant ar judevien en e vro ;
 Mes , va zad , ne ententit qet ,

Penevert se e voamp collet.

00006



Da ennes en deus va frenet,
Va zad, ez on-me demezet;
Brassoc'h mestr eo assuramant
Eguet Maximin an tyrant.



Ennes en deus grêt a netra
Qement a velomp er bed-mâ,
Hac a rei sur plaç da' repos
D'ar Gristenien er Barados.



Mes ar re ne gredint enna,
Pa zeuyo da varp ar bed-mâ,
O c'hondaono d'an tan grissas;
N'en deus poan a ve qen divlas.



En eur goler ec'h antreas,
E gleze diouc'h-tu a dennas;
He zreuzi a fellas dezàn,
Mes Doue a viras ountàn.



Redec a eure var he lerc'h ,
Mes eur roc'h güenn evel an erc'h
Evit he c'honservi antier
En em digoras dre'n anter.



Goude-ze e voe qemeret ,
Ha gant qerden rust amaret ,
Ha d'ar president Marcian
E zad el livras e-unan.



Ar president , pa e güelas ,
Ouc'h ar Zantez a c'houlennas :
Din-me prontamant livirit
Peseurt Doue a adorit.



Credit-hu certen , President ,
Christenes oun certenamant ;
Ha ne zeus nac aour da tourmant
A elfe chench va zantimant.



Ho toueou zo hep gallout

Na da ober na mad na droug ;
 Rac-se e zeo bras ho fazi
 Laqat ar bobl d'o adori.



Souezet bras oun-me ganeoc'h,
 Va merc'h, truez am eus ouzoc'h ;
 Qüittait ho lezen afo,
 Pe autramant ez oc'h maro.



Mar qirit chench a zantimant,
 Me royo déc'h aour hac arc'hant,
 Sac eur Prinç bras eva pried,
 Ho caro a galon barfet.



It gante en perdition,
 Jesus eo-va zenzor güirion ;
 Bras ve an den ambitius,
 Ma na ve contant a Jesus.



E zad neuze, pa he c'hlêvas,
 D'ar Presidant a lavaras :
 Autrou Presidant, grit justic,

Rac homàn zo leun a valiç.



Rac-se grit justiç, me ho ped,
Ha dezi ne faziet qet,
Pe me scrifo a dra certen
Ez oc'h evit ar Gristenien.



An Impalaër dre e arrèt
A ordren ma vezo losqet;
Mar faziit, credit ervat
Ez oc'h assur da goll ho stat.



Neuze souden voe divisqet,
Ous eur pillyer e voe staguët,
Ha dispennet gant scrifellou,
Ma coeze he c'hig a beziou.



Un horrol bras e voa güelet
He goad virginal o redeç,
He ne voa den, bras na bian,
N'e voeljout oll guitibunan.



Goude d'ar prison voe casset,
 Er bassefos e voe laqet,
 O clasq dont a ben anezi,
 Autramant e disesperi.



Neuze soudan voe bisitet
 Gant Jesus-Christ, Salver ar bed,
 Pehini, en eur douch outi,
 A eure salo anezi.



Barba, va merc'h, ho pet courach,
 Rac ar President a arrach
 Ouzoc'h, en defot va c'huittât
 Da adori Doue ho tad.



Jesus, n'am abandonit qet;
 Mar plich ganêch, va sicouret,
 Ma ellin souten constamant
 Evit ho cloar pep seurt tourmant.



An eol, al loar hac ar stered

A ve gent mil güech destrujet
Hepqen ma fazien deoc'h
Ha n'am be sourci ac'hanoc'h.



An eil ternos e voe tennet
Evit beza interrojet,
Hac e voe roet dei da choas
Renonç, pe souffr tourmanchou bras.



Hi, fortifièet gant Doue,
Prest a respontas d'ar Roue:
Lavaret em eus dêc'h dija
Va zantimant, hep nac'h netra.



Birviquen james ne chenchàn
Ar pezh a lavarìn bremañ:
Va Jesus a zo em c'halon,
E varo hac e bassion.



Hac a vezo da virviquen
Evit nep glac'har, nep anqen;
Rac-se, tyrant, depech afo,

Deus d'am c'hondaoni d'ar maro.

An tyrant-se gant e arrach
 A laqas dispen e bisach
 Hac ar c'hig divar e c'hostou,
 Gant cribou houarn ha scifellou.

Gant goulouennou alumet
 E gouliau a voe rostet,
 Hac e diou vron a unanou
 Distaguet gant razouerou.

Tennet voe neuze en noaz beo,
 Goloet hepquen gant e bleo,
 Gant eur goabren gūen meurbet
 E goloas Salver ar bed.

Var e fenn an toliou morzol
 A scōe gant qer bras horol,
 Ma crene memes ar pave
 Gant an toliou a receive.

Pa veljont n'allent qet outi ,
O deus sòjjet e c'hondaoni
D'ar fin da veza dibennet
Var eur chaffot a voe dresset.

Ar bourreo gant truez outi
Ne zibenne qet anezi ;
E zad , bourreo ar c'hruella ,
En em offras d'e dibenna.

Neuze ec'h eure eur beden
Da Zoue vit ar Gristenien ,
Ma pliche da Zalver ar bed
Accordi dezi eur reget.

Goulen a eure ouz Doue
Evit piou benac m'e fedje
Ne varvo qet subitamant
Abars receo ar Zacramant.

Un Æl neuze' apparissas ,

Ha d'ar Zantez a lavaras :
 Barba, n'ho ped douetanç ebet,
 Accordet eo d'êc'h ho reget.



Eur gurunen a c'hloar a zougàn
 Bremâ-souden d'ho curunàn,
 Rac prest oc'h da vont da velet
 Doue, ar Zent ha Sentezet.



Eun tol cleze digant e zad
 A zispartias evit mad
 E c'horf eürus diouz e fen,
 Hac e lamas a bep ançen.



Eun tol curun demeus an eê
 A foueltras e zad goude ze ;
 Qement all evit paeamant
 A c'hoarvezas gant an tyrant.



Ebars en calz eus a vroyou
 Eus dediet dei Chapelou ;
 Mes unan zo dreist pepini

A interest ac'hanomp-ni.



An drede deiz a viz Gouere
E ve bras ar solanite
E Santez Barba, en Rosco ;
Eno e ve tud a bep bro.



Pedomp-hi eta, Bretonet,
Ma vimp dre e graç preservet
Demeus ar guran hac an tan,
Ha da savetat peb-unan.

FIN.

